

31. 93
Q. D. B. V.
DISSERTATIO MEDICA,
DE
FEBRE MILLIARI

Q V A E
Der Sriesel,
D I C I T U R;

Q V A M
D E O P R O P I T I O
IN ACADEMIA FRIDERICIANA,
EX CONSENSU GRATIOSAE FACULTATIS MEDICAE,
P R A E S I D E
DN. JOHANNES CHRISTOPHORUS
DEUTSCHBEIN,
MEDICINAE DOCT. ET PRACTICO,
PATRONO AC HOSPITE SUO AETERNUM COLENDO,
PLACIDO PHILIATRORUM
EXAMINI SUBMITTIT,
GUSTAVUS BERNHARDUS VOLLAND,
GREUSSENA THUR.
AD DIEM SEPT. A. O. R. MDCCXXII.

HALÆ MAGDEBURGICÆ,
LITTERIS HENDELIANIS.
RECUSA MDCCXXIII.

PAVO

DICTIONARY

17-A V O

01719099

ON. JOHANNES CHRISTOPHORUS
DEUTSCHER

THE UNIVERSITY OF CHICAGO

LETTERS FROM THE INDIAN



PROOEMIUM.



Atendum sanè, Principes superiorum Seculorum Medicos summâ semper in procurando Posteritatis Commodo, sedulitate eò insudasse, ut Casu observatos quotidiano corporis humani Affectus, non sibi servarent, sed literis publicis humano generi traderent. Ita, ut ipsorum manu quasi ductione, genera morborum cognosci, (& quantum quidem per Deum, imprimis & artem licet, curari possent,) sed optabile esset! ut omnia medicina præstare posset. Uti vero morborum incurabiliûm curam Medicus non suscipiat, Ita suadente Hipp. L. de arte num. 4. Medicina est morbos ab aegris in totum tollere, & morborum vehementes impetus obtundere, & eorum qui a morbis victi sunt curationem non aggredi, quum id in confesso sit, quod medicina tales sanare non possit. Confirmat Celsus Lib. 5. c. 26. Est prudentis hominis primum eum qui

servari non potest, non attingere, ac eo magis abstinere, nec subire speciem ejus ut occisi quem fors ipsius peremit. Morbi autem in triplici sunt classe, leves, quos natura sanat, Galen. 1. de Loco c. 1. Mediores qui à Medico tractandi, ne in lethales abeant; Hi vel acuti, qui brevi interimunt; Quia acutie vel malignitate naturam superant. Quando autem morbus prævalet nullus remedio locus. Vel Chronici qui si diu perseverent, ferè desperati sunt & suapte natura immedicabiles. Et notatu dignæ sunt dissertationes Consultissimi Decani D. D. Alberti, quæ agunt de abstinence à medicis & medicamentis, & medicorum ab ægrotis &c. Nam Medicus talibus corruptis & intricatis morbis suis promissionibus aliaque minus fundata spe: nec non speciosis interdum medicamentis, arcanis, tincturis, essentiis, panaceis, balsamis, parum nonnunquam utilitatis affert: Quæso quis peritorum Artificum in se susciperet curationem morborum incurabilium, V. g. hæreditariorum, ut nativa cæcitas, surditas, gibbositas, amentia, lepra, lithiasis, articulorum dolores, defectus membrorum, morbi divini, hæctica senectutis, marasmus torridus, consummatus Ascites, arthritidis nodosa, phthisis, ulceratus cancer, convulsio ex inanitione, sphacelus sunt. Ab his Medicus famæ & artis gloriæ si consulat, merito abstinebit, alias ignominiam pro gloria reportabit. Et varias obrectationes quæ foro in medico quotidie occurrunt pro præmio accipiet. Vid. Zacut. Intr. ad Pr. c. 16. idem, Rod. à Castr. Med. Pol. L. 13. c. 18. Sed hæc hætenus. Non fert nostra intentio,

tentio, latius hic evagari, unde potius vela nostra contrahimus, & convertimus nos ad Tractationem FEBRIS MILIARIS quam brevissimis perlustrare conabimur: Veritatem in quantum intellectus noster permittit sectemur. Et vulgo abstinebimus, ne præsens labor videatur operam & oleum perdidisse: Probe scimus effatum Ciceronis quod veritas sit molesta: siquidem ex ea nascitur odium; hujus salus desperanda est, cujus aures clausæ, veritati sunt, ut ab amico verum audire nequeat, hi homines sunt, ut vulgus qui ex veritate pauca, ex opinione multa æstimat; Ceterum rogamus DEUM T. O. M. ut huic nostro cœpto clementissimè benedicere velit, ut inde præter veritatem, etiam utilitas aliqua ad artis nostræ commodum, redundet.

§. I.

DE febre miliari acturus brevitatis causa, quid febris sit, & quod sub miliari exanthemate, modernorum purpura, Franc. la pourpre, Germanis bene vel male, & ex qualicunque demum coloris asperitatisque similitudine, *der Griesel*, dicta intelligatur, tanquam satis cognita, præsuppono; neque ea in universum omnia excutiam, quæ de ejus antiquitate, vel nova origine; de cognatione cum papulis, ecchymatibus herpete miliari, pustulisque erysipelaceis; & de ætiologia in universum disputari possunt, cum satis hodie constet, quale sit illud exanthema, quod sub nomine purpuræ venit. Sed ea potissimum persequar, quæ propius ad hujus causalem differentiam & febris con-

junctæ indolem ac utriusque tractionem therapeutica[m] pertinere videbuntur.

§. I I.

Quare præmonendum esse duco, de febre quidem in genere, quod sub hoc nomine non solum perfectæ, febres typicæ, sed etiam imperfectæ, febriles commotiones potius, quam febres, venire soleant. Et in specie, quod febris nostra miliaris genuina ad imperfectas has febriles commotiones pertineat, quamvis etiam aliæ febres typicæ, per accidens, vel pure symptomaticæ, vel quoque salutariter, miliares fieri seu purpuram excludere possint. De hac vero & exanthemate miliari præmoneo, quod alia quasi sanorum sit, alia morbida, & genuina, alia vero symptomatica.

§. III.

Sanis etiam, cholericis, & de horum temperamento participantibus, aliquam saltem bilis Veterum copiam alentibus, ceteroquin sanis, sub æstuoso humorum orgasmo simplici, sine febre & febrili commotione, purpuram evenire, certum est; Aliis quidem & paucis quibusdam ordinarie, mensibus æstivis fere quotannis: Aliis vero, hisque etiam pluribus, extraordinarie, & tunc demum, quando ipsorum humores *αδρῶς καὶ διακρίνῃ* simul & semel, orgasmo æstuoso exagitantur. Frequens prioribus annis, & plurimis sanis molestata talis fuit purpura, cum post dies caniculares, satis frigide transactos, subito, tempestas fervidissima exoriretur.

§. IV.

Parum ab hac abest, nec nisi aliqua materialis causæ, & status præsentis, differentia, distat mitior illa, certis familiis velut hæreditaria, vel locis quibusdam, fere endemia, aut sane frequentissima, puerperarum purpura nata, & hinc propagata, quantum juxta suspitione licet assequi, ex familiari, aut populari, consueta tractatione illarum, circa

circa regimen & medicationem, nimis calida, qua in tanto æstuosiore orgasmo adducuntur quanto magis humores accumulati & spissiusculi, per labores partus valde anxios prægressos, ad eam concipiendam sunt dispositi. Si quæ alia adhuc causa desideretur, mallem potius, aquarum, & aeris, ex situ urbium, inquinamenta incusare, quam hæreditatem ex consanguinitate transmarinam allegare.

§. V.

Cum vero neque valetudo puerperarum paulisper labefactata, neque uteri conditio, cujus ratione quidam illas vulneratis æquiparare solent, nec etiam orgasmus humorum æstuosus ille, sub quo exanthema miliare excluditur, ad statum p. n. pertineant, cum non omnes puerperæ ægrotent, nec omnes purpuratæ febriliter ægrotent; ideo nec hanc quam modo diximus, illarum purpuram morbosam esse, facile concluditur. De periculosa autem & maligna purpura, cum febre puerperarum putrida, aut acuta, aliter sentio, & dicam inferius.

§. VI.

Morbidam & præternaturalem purpuram voco, quæ cum febre nostra miliari hinc dicta conjuncta, aut cum aliis febribus complicata est, eamque duplicem facio, aliam legitimam, simplicem & genuinam quæ à simplici propriaque sua causa dependet; aliam vero spuriam complicatam, & symptomaticam, quæ non à suis sed aliorum morborum febriumque causis materialibus, in similitudinem propriæ illius causæ alteratis, aut corruptis indirecte & consecutive inducitur. Symptomaticam cum hanc dico loquor cum Veteribus, abstrahendo à famoso illo significato, quo symptomatice morbis supervenire dicuntur, ea solum, quibus morbus & æger nihil sublevatur.

§. VII.

§. VII.

Legitima purpura illa est, quæ febrem nostram miliarem infra §. 22. descriptam, constituit, & ratione frequentiæ in sporadicam aut epidemicam; ratione indolis vero in benignam aut malignam, gravioribus aut funestis symptomatibus stipatam dispescitur; Cum ea diversitate, ut neque omnis sporadica sit benigna, neque omnis epidemica, maligna, quam indolis differentiam non solum temporum anni constitutio, sed & ægrorum reliqua valetudo, regimen etiam & medicatio, variant, atque ita dispensant, ut in sparsim incedente purpura, quidam inde graviter & maligne satis decumbant; Aliqui etiam in epidemica satis clementer, & benigne habeantur, & absque gravioribus symptomatibus, imo & nonnulli, cum *descripta* parum vel nihil turbata, dimittantur.

§. VIII.

Spuria ante dicta purpura, eas præcipue febres comitatur, aut sequitur, quæ vel vere tales, vel ratione indolis inflammatoriæ, acutæ nempe Veterum sunt, quæ à Viscerum, latioris ambitus & copiosioris inundationis, seu multo sanguine perfusorum, inflammatione dependent, & foveantur; Itemque exanthematicas reliquas petechialem & variolaceam, & has quidem non solum regimine & medicatione impetuosius impulsas; Sed etiam cum inflammatione interna, petechiis & variolis interna occupantibus, conjunctas. Videas enim externas quoque inflammationes subinde colore, & miliari exanthemate, purpurascere quasi.

§. IX.

Cum ceteris exanthematibus simul. & una, conjuncta purpura periculosa semper est, & periculosissima, quæ loco petechiarum, eximia febris malignitate se latere significantium, tandem prorumpit; pessima vero, & ut plurimum funesta, in acutis febribus & viscerum profundioribus gan-

gangrænosisque inflammationibus, ultimo conatu protrusa. Uti contra salutare est, si petechias apparentes nihil vero ægrum sublevantes, sequatur purpura: Bonum etiam, si levior vel mitigata interna inflammatio, per felicem metastasin, desinat in purpuram; & optimum, si quando inflammatio interna, in primo sui initio tempestive discussa, similiter foras procedat, cum succedente etiam aliquando purpura.

§. X.

Digna hæc sunt, quæ diligenter attendantur, cum sinistre intellecta fallere possint, fefellerintque medicam diagnosin, prognosin, atque therapiam, adeo, ut viso v.g. in acutis valde febribus, miliari exanthemate, purpuram delituisse, & critice jam evenisse credentes, meliora sperent, atque dein hujus potissimum expulsiõni intenti, fontem mali negligant, & ad aliena omnia delabentur medici, aut saltim, cum vita ægri consulere non possint, neque iusta prognosi famæ suæ prospiciant. Pro quibus evolvendis, firmandoque vero iudicio medico, pauca quædam proferam, qualicunque mea, & fide digna probataque aliorum experientia fundata.

§. XI.

De Purpuræ, cum petechiis una efflorescentis, periculo loquitur Illustris Stahlius in Probl. Pract. pro Feb. Pæthol. de exanthematicis §. 35. De eadem Consult. D. D. Alberti Disputatione de purpura cum febre complicata habita. De Purpura loco petechiarum latentium, tandem erumpentis summo periculo testabuntur bini milites, ex febre maligna petechizante gravissime decumbentes, his, sub iusta expectatione petechiarum, die duodecimo, tam copiosa purpura alba, imo albißima eveniebat, ut ternis pustulis vicinis quartam interponere non licuerit, summo cum vitæ periculo; Quod alter ægerrime superavit. Alter ve-

ro sibi lethale expertus est. Facta huius sectione, intestina, hinc inde spithamam longis inflammationibus occupata, binis etiam in locis semicorrupta, livida, mollia & tabida visa sunt. Qualia etiam in multis aliis, ex febre petechiali maligna tunc in castris epidemica demortuis per sectionem apparuisse, ex *αὐτόπῃ* relatione comperi.

§. XII.

Exemplum purpuræ peripneumoniæ fatali supervenientis præbuit, non adeo pridem Vir Generosissimus, habitus corporis athletici & succi pleni, gravissima peripneumonia prehensus, cui in statu morbi denso agmine, purpura in pectore toto, summisque brachiis, copiosissime tamen in latere pectoris dextro, erupit. Expectabatur uberiore ejus proventus etiam in reliquo corpore, per molimina quoque diaphoretica; sed, ægro paulo post quasi suffocato; Frustra aperto cadavere, uterque pulmonum lobus inflammatus apparuit, dexter tam valde, tamque profunde, ut totus sanguine obscuro, suffusus quasi videretur, & vere gangræna corruptus.

§. XIII.

Aliam historiam nobis ex sua observatione communicavit prælaudatus Consultiss. Decan. D. D. Alberti. De Viro Peripneumonia correpto eademque optime superata, subito in purpuram miliarem delapso, sub qua laxius & negligentius æstimata una cum impatienti regimine & frigidorum potuum ingestione tandem demortuo.

§. XIV.

Quod tamen etiam salutariter purpuræ eveniat in petechiali febre, experientissime notavit Illust. Stahlius loco citato numero 33. verbis, si apparitionem & durationem

nem Petechiarum, nullum omnino levamen sequatur, at nulla tamen sensibilis deterioratio comitetur, Purpuram albam successuram expectandam esse; Et nro. 36. Purpura alba post Petechias; si aliquatenus copiosè erumpit, omnia tranquilliora & sensum euphoriam sensibilem, consequi Inflammatione scilicet interaneorum, per petechiarum maturam exclusionem, bona ex parte, præoccupata, & leviori tamen subsecuta feliciter discussa, atque salutari metastasi ad cutem deposita, subsequente hinc purpura.

§. XV,

Pari felicitate contingit subinde in aliis febribus acutis, ut interne inflammatione extrorsum versa, formataque in cute erysipelate cum purpura, periculo eximatur æger. Laborabat nuper admodum puer sexennnis pleuritide peripneumatode, cum febre acuta; Quarto die accedebat expectoratio pauca & reïnorata, continuabat febris in eodem tenore usque ad septimum, quo finito erumpebat purpura in pectore copiosa, cum euphoria sensibili febrisque cessatione. Fœmina XL. annorum, phlegmatico sanguinea jurgiis provocata, tandem in eam effusius erumpit post prandium; patitur hinc omnia febris *novâs* symptomata stomachicis ab initio parumper mitigata, protracta tamen usque intertiam septimanam, in qua sponte sua, sumit purgans, à quo omnia fiunt, deteriora, cum summa anxietate, & debilitate insecuta, allatis roborantibus cum stomachicis temperatis, simul discutientibus, erumpit purpura, cum erysipelatode inflammatione in pectore; mox redit vitæ spes, appetitus, alacritas, robur, & sanitas opinione citius Vide quoque Foresti Observ. 22. L. V. de febre horrida cum erysipelate & herpete miliari (purpura) tandem protrusa.

§. XVI.

Optandum esset, ut, quod rarissime contingit, attamen eveniret, internaque inflammatio, cujuscunque visceris, dum radices agere tentat, in ortu suo, elocari, & expelli posset in cutem, posse hoc fieri, si mature cognoscatur & suscipiatur, probabit foemina, ex annua menstrui obstructione valetudinaria; hæc sub vesperam vehementi ira excaudit, & superingesta intrita panis ex cerevisia cum saccharo post mediam noctem tam anxia, & sub algoribus interpolatis, valde æstuosa cardialgia fuit correpta, ut intoxicatam se crederet. Vocatus mane Medicus inflammationem Ventriculi cum febre causo in fieri cognoscens, aptum præbet remedium temperans & discutiens, tam opportune, ut ista inflammatione, cum mox insequente purpura, in pectus externum transposita, inter meditationes mortis subito convalesceret ægra.

§. XVII.

Quæ putridis puerperarum febribus acutis supervenit purpura, gravior altera, alba, & summe periculosa, vulgi quoque judicio, ut plurimum funesta, quod etiam inflammationem uteri, vel intestinorum quoque, pro causa fundamentalis habeat, probabile & pro renata, certum est ex hujus inflammationis majori frequentia, quam vulgo creditur; Ex signis ejus talem febrem frequenter comitantibus; Ex conditione uteri pro ea concilianda faciliore; Itemque ex origine febris frequentia lochiis retentis, & ex hujus acuta indole summoque periculo.

§. XVIII.

Et hæc quidem hætenus de purpura in dictis febribus, sponte natura, citra vehementiorem humorum artificialem impulsum, ex generaliter bona, quandoque etiam specialiter salutari, eccrasi, proveniente qualem in dictis aliisque febribus putridis, pure quoque symptomaticæ, per nimis æstuo-

æstuosum humorum impulsu absque inflammatione intus genita, provocari etiam posse, nullus dubito.

§. XIX.

Ceterum distingui purpuram in rubram & albam, notum est. Illa majorem habet cutis rubedinem, cum asperitate in minimas pustulas partim transeunte; Quæ pustulæ, tum magnitudine, tum aliquali flavedine saniei semina milii propius referunt. Alba vero vix notabilem cutis, paululum inflatæ, rubedinem ostendit, imo quandoque nullam cum flavedine pustularum, longe minori & fugitiva quasi, aut pellucida plane, limpida & aquosa earum materia; Quales in cute semper albissima fuerunt in dictis §. II. militibus. Rara tam alba est purpura, & albæ nomen præ altera illa pustulari minus rubra minusque flavescente mereretur. Cum tamen hoc non minus, licet rarius occurrat in praxi, quam vere rubra, cum insigni cutis & pustularum copiosarum cutis asperitatem notabilem inferentium, rubedine, pustularum vero saniosarum intercurrentium raritate. Non inconcinne purpura trifariam distingueretur, in rubram nempe, modo dictam; in subflavescentem, cum minore & velut erysipelatode cutis rubedine, pustularumque copia & flavedine, atque in albam, cum cutis albedine, vix stigmatibus minimis quibusdam, pustularum initiis rubris, distincta, & cum harum pelluciditate limpida.

§. XX.

Durat tuberculorum & pustularum elevatio per paucos dies, factaque earum exsiccatione vel perruptione cutis in junioribus ac tenerioribus subjectis excoriatur leviter; In adultis vero & robustioribus furfuracea desquamatio succedit. nihilominus, ubi aliæ post alias succrescunt, uti in sanis, quibus purpura quotannis ordinarie ferre est, & invaletudinariis duos tresque menses perdurasse

visa sæpe est purpura. Hæc de exanthemate miliari; Unde de febre conjuncta facilius erit judicium.

§. XXI.

Sicuti autem sanorum purpura, absque omni commotione febrili sub dictis §. V. circumstantiis provenit; Ita febris miliaris, vel potius febrilis commotio sub qua purpura legitima, tam sporadica, quam epidemica, ordinarie excluditur; tam mitis quandoque est, ut, non secus ac interdum in variolis, vix, sensibilem alterationem afferat, neque impediatur orthostadiaz; In aliis vero vehementior est, & decumbendi necessitatem affert; Videlicet prout reliquæ valetudinis, plethoræ, cacochymix, crudis in primis viis, aliarumque causarum morbidarum conditiones eam variant & exasperant.

§. XXII.

In se, & sibi relictæ febris miliaris legitima benigna semper est, & imperfecta, sive potius febrilis commotio, quæ quamvis typum continuæ præ se ferat non tamen eum per statas exacerbationes & remissiones exhibet; Nec tempora morborum, in coctione & eccrissi materiæ, observat; Neque certum hic decursus periodum obtinet; unde nec semper cum horripilatione (sub congestione humorum præparatorio secretoria) sensibili invadit, & multis, etiam in epidemica purpura, primum mali initium efflorescentia miliaris est; Paucis procrastinatur, rarissime in tertium vel quartum diem differtur. Quæ vero purpuram tardius excludit, & typum periodumque acutæ exprimit, ea legitima non est, sed alia vel maligna & catarrhalis, (in quas etiam latentibus harum causis miliari febricula in actum deductis, transformari potest) vel acuta inflammatoria; Quibus interdum purpura, vel per subsidiariam crisin, vel metastaticam exoritur, utramque salutarem, in genere; Vel pure symptomaticæ, supervenit, ceu dictum est antea.

§. XXIII.

§. XXIII.

Hiscæ febribus remotis, febris nostra miliaris legitima nihil est aliud, quam febrilis commotio juxta conditionem subjectorum, materiæ copiam & aliarum causarum concursum, cum vel sine horripilatione, per pulsum plus minus celerem & frequentem, pro materiæ erysipelatodes, inque pustulas abeuntis excretionem, a natura suscepta, & adeousque uberiores illarum exclusionem, continuata; potest tamen etiam transire in febres perfectas, maxime sub constitutione epidemica, & in puerperis, atque ita maligna fieri, per aliarum causarum concursum, vel etiam per errores in diætâ, regimine & medicatione commissos.

§. XXIV.

Miliarem hanc dicere placuit potius, quam purpuratam, quia vox hæc ambigua, & Veteribus petechialem significat; Deinde, ne hanc, & Sydenhamii scarlatinam, erysipellacæque febris initia, operosius distinguere necessum foret; Denique quia sub febris miliaris nomine, ea facile intelligatur hodie, quæ exanthemata miliaria conjuncta habet. Qualia, licet etiam sint quæ herpetem miliarem constituent; hæc tamen sine omni febre efflorescunt, atque herpes miliaris veterum, sub febre proveniens, pro nostrate purpura habenda est, quæ a vorum memoria sub illius nomine quoque latuit.

§. XXV.

Materialem, exanthematum febrisque miliaris causam sagacioribus indagandam relinquo, ex vitalis humorum fermentationis, resolutorio-combinatoriæ, legibus evolvendam, & Zymotechnizis principiis illustrandam. Mea quidem sententia hæc non alia est, quam bilis Veterum humoralis, magis attenuata, quæ, quousque humoribus reliquis interfluit, non male sub sanguinis semiresoluti notione concipitur, & quæ, excussis ulterius particulis subtilioribus quasi spirituosiss & halituosis, oleosa magis, in bilem excrementitiam

titiam sequestratur. Ast si quando bilis ista sub concitata spumescentis fervidique sanguinis circulatione, mensibus æstivis, maxime post tempestatem frigidiusculam subito solis æstu fervidis, copiosius generatur, quam ut sufficienter per hepar sequestrari possit, hinc & attenuatur magis; Tunc vel sub orgasmo humorum simplici in cutem impingitur, vel, ne interna oriantur incendia. (cum sit in dolis erysipelatodes.) sub commotione febrili, hujusque prima horripilatione, si præcidat, ex internis visceribus eluitur sub æstu vero continuante ad cutem deponitur magis magisque & ibi hærens, efficacia inflammatoria, tuberculosa rubram morbillosam quasi suppuratoria vero accedente sanioso pustulosam veluti variolaceam purpuram constituit.

§. XXVI.

Non adeo dissimilis, licet perniciofa magis biliosa collectio evenit quoque subinde in aliis febribus putridis malignis & ecthymaticis, atque in acutis inflammatoriis tribus potissimum modis primo, si humores in fermentatione, plus minus, putredinosa constituti, vehementius impellantur Secundo quando isti diuturnitate febris putridæ lenioris liberalius in colliquamentum, semiresoluti sanguinis æmulum, & magma biliosum fatiscunt vel etiam & tertio, quando sanguis in viscerum inflammatione subsistens & circumcirca stagnans non tam ad fluxilitatem resumendam, quam ad mixtionis quandam resolutionem dissolvitur, & in similitudinem bilis humoralis attenuatæ corrumpitur, hinc vero discussus, ad cutem transponitur, & postea omni varia exanthemata miliaria provocantur. Cum hac tamen semiresoluti sanguinis biliosa humoralis, erysipelatode materia, non adeo convenit illa, quæ cum omnigena cutis albedine, & pustularum aquositate pellucida, albissimam constituit purpuram; Sed hanc potius lymphæ cum bile ista valde attenuata, sub humorum putredine ichorefcenti deberi videtur

tur. Verum hæc sunt altioris indaginis, aliisque clarius enodanda.

§. XXVII.

Progredior ego ad Tractationem febris miliaris, Therapevticam, quam brevibus expediam, cum genuina tam operosam non requirat; Symptomaticam vero si digne velimus pertractare, variarum febrium therapias, huc transcribere necessum foret; Et quid de illa judicandum agendumque sit, ex dictis dicendisque facile appareat. Quare nec de quasi sanorum purpura plura afferam, præter monitum quod talis omnino detur. Quæ etiam multa medicatione non indiget, si convenienti regimine & diæta toleratur. Si quid tamen remediorum urgeant tales purpurati, temperantia, refrigerantia, nitrosa, parum acidulata pro sanguineis diuretica & laxantia, utraque leniora, conveniunt. Sicuti præservative iis, quibus purpura consueta est, conducere poterit tempeſtiva V. S. cum subjuncto v. g. vino medicato, ex sanguinem depurantibus, seu blande resolventibus, hepaticis, diureticis laxantibus & purgantibus, non tamen vehementissimis, & interposito abstergente remedio, sale epton. Tartaro vitriolato bene præparato, nitro, pulv. absorbente Stahlian. pulv. hepatic. Dresdens. aut bezoard. nostræ compositionis.

§. XXVIII.

Et licet puerperæ quædam, pro præſenti ſtatu ſanæ omnino, ex conſueto regimine calidiore, aut diſpoſitione familiari, purpuram incurrant, cum tamen ad varias alterationes ſubeundas ſenſibiles admodum facilesque ſint, habeantque humores quadantenus vitiatos, & pleræque ſub lactis proventum febrile quid pati ſoleant, cautius omnino habendæ ſunt, & proſpiciendum iſſis de conveniente, regimine, atque leni medicatione, ne purpura retrocedat, neve augeatur nimio æſtu, aut per lochia retenta, alvumque diutius obſtipatam; Ne tunc per dolores poſt partum, & orgaſmum

smum humorum, febricula accedat, & ne, occasione lactea, putrida febris eveniat. Plerisque hisce nominibus commendatissime sunt Pilulæ Stahlianæ, auro contra carius in puerperarum affectibus habendæ, interposito prudenti usu temperantium cum paucis nitro, pro orgasmo moderando essent: pimpinellæ albæ, & millefolii, pro doloribus mitigandis essent: scordii, cardui benedicti, alexipharmac. pro diaphoresi promovenda &c.

§. XXIX.

In febre miliari, seu purpura legitima cum febrili commotione, respiciendum est partim ad materiam partim ad febrem; Illa sui evacuationem & temperationem indicat. Evacuatio fit per diaphoresin, diuresin, & laxationem, ubique modestam & minus æstuosam. Ista materia biliosa humoralis attenuata derivatur ad cutem; Illa cum urina evacuantur biliosa & febrilia apopasmata subtiliora, huc vero bilis humoralis, adhuc sincera magis, ducitur ad sui sequestrationem per hepar; Pro fervore igneo contemperando conducunt diluentia, glutinositate quadam moderata, simul inviscantia; porro præcipitantia, seu absorbentia in moderato acido prius soluto, & denique salia media enixa cum nitrosis. Quantum ad febrem, cum hæc sibi relicta, solummodo in commotione febrili subsistat, nec maligna sit, non adeo solet excedere, nec tam gravibus symptomatibus stipari, ut sui moderationem, aut alias reflexiones postulet, nisi per concursum plethoræ, vitiorum in primis viis, & cacochymia variæ, depravetur; aut, sub constitutione potissimum epidemica, in malignam vel catarrhalem transformetur.

§. XXX.

Commendamus autem pro hisce indicationibus remedia temperata, & talia, quæ pluribus illis satisfaciunt, Diaphoretica nempe fixiora, Corn. Cerv. Ust. illud & unicornu fossil. C. C. philosoph. præparatum, antimon. diaphoret. bezo-

bezoart. mineral. flor. sulphuris lap. bezoar. orient. & occi-
dent. interposita quandoque mixtur. simpl. & essent. scordii,
alexipharmac. Si impulsu quodam opus est. Diuretica
inprimis salina medii generis & nitrosa. Laxantia, (præter
clysmatica) leniora, rhabarbarina, cassiam, mann. pilul.
Stahlianas, Becher. genuinas, si haberi possunt, polychre-
stas, extracta fumar. centaurii minoris & pro stimulo, pan-
chymagog. Croll. Diluentia, non spirituosâ nec tamen sim-
pliciter aquosa nisi interposita, sed quadantenus simul invi-
scentia decocta avenacea, cum scorzonera, cornu cervi. rasur.
ficubus &c. Præcipitantia teneriora ostracodermata in a-
cido soluta, lap. cancr. citrat. tartarifat: solutionem eorum
cum succo citri aquis diapnoicis, & syrupo aliquo, pro gratia
saporis. Pro æstu & orgasmo nimio temperando refrigeran-
tia salina medii generis, ut arcan. duplicat. Nitr. tabulat: an-
timoniât. cum præcipitantibus illis & absorbentibus quan-
doque etiam in magis sanguineis acidulata, julapiis & po-
tionibus intermixta. Tincturam flor. 4. cordial. papav.
rhœad. aquilegiæ, Elixir. Vitriol. Mynsicht. clyff. antimon.
spir. sulphuris per campanam.

§. XXXI.

Quod si febris miliaris per dictas modo causas deprave-
tur, vel transformetur, quæritur, primum, num V.S. vom-
itoria & purgantia præmittenda aut interpolanda sint? Re-
spondeo paucis; Si purpura incidat in corpus exquisite
plethoricum, cum summo & continente æstu, inflatione
faciei, rubore hujus intenso & oculorum aliquo, dolore
capitis pulsatili, hæmorrhagiis narium emicantibus; Lice-
bit etiam V.S. in primis diebus administrare, subjuncto ta-
men tanto sollicitius regimine, & medicatione leni diapho-
retica. Et si insignis cardialgia copiam vitiorum in primis
viis acriter fermentantium, indicet, nihil impedit, dare pas-
sulata, magnes. alb. Tamarind. rhabarbar. (decoctum hordei.
Quod Hippocrates in Tr. de Victu. in acutis commendavit.


tenue limpidum hordeaceum magis triticeum non actu frigidum sed temperatum pro conditione ipsius Temperamenti additis addendis diversè præparari potest. Non largiter sed medice & modice quamvis sæpissimæ concedatur quo febris successus eo melius facilitetur.) quæ febrilem commotionem sovent potius quam invertunt. Quamvis acrimoniæ huic præcipitandæ & temperandæ absorbentia, cum salibus mediis abstergentibus & nitro purificato satis egregie quoque inserviant.

§. XXXII.

Restaret, ut de febre miliari sub constitutione epidemica, in aliam, malignam vel catarrhalem transformata atque de purpura cum exanthematicis inflammatoriisque acutis, & puerperam putridis febribus complicata, therapevtice quoque dicamus. Verum si cuius febris dictæ convenientem medicationem calleamus; si individuales circumstantias decenter attendamus; Si juxta has, illam, cum therapia febris miliaris breviter adumbrata, prudenter conferamus. Difficile non erit, vel ægros apto consilio & auxilio adjuvare; Vel sibi quoque, & famæ suæ, justo judicio & prognosi consulere.

§. XXXIII.

Quare jam finio, & DEO T.O.M. debitis gratiis peractis, lectorem Benevolum, qua par est humanitate rogo, ut quæ uberiores declarationem promerebantur, sub proposita brevitate, æqui bonique & ipse consulere velit. Quæ vero adhuc restant, in aliud Tempus si DEO ita visum fuerit, servanda erunt.



NOBILISSIMO DOCTISSIMOQVE
SUO DOMINO
RESPONDENTI
GVSTAVO BERNHARDO
VOLLAND,

S. P. D.

P R A E S E S.

Qui egregiam laudem in hac florentissima
Mularum officina hucusque TIBI per
praxin medicam comparasti, DOCTISSI-
ME VOLLAND, eruditionis nunc
quodam specimine, quantos in medicinæ studiis
feceris progressus, demonstras: Idque, mea qui-
dem sententia, rectissime. Illorum enim morem,
qui ita temporis recte a se collocati rationem, Pa-
triæ, Parentibus, studiorumque suorum promo-
toribus, reddere gestiunt, minime reprehenden-
dum existimo. Quæ quum ita sint, intelligent
C 3 quo-

quoque ex præſenti indiſtriæ TUÆ ſpecimine;
qui in Patria TUA, Muſarum Fautores & Prote-
ctores ſunt, quid de TE ſibi polliceri queant.
Nec dubito, quin TE aliquando eodem excipi-
ant Favore, idque Patriæ dignitati tribuendum
putent, ut viros in ſinu gremioque ſuo educatos,
modestiaque ac eruditione præditos, benevolen-
tia, quæ Proceres rerum in primis decet, proſe-
quantur. Ego vero Parenti TUO DN. DR. JO-
JON. VOLLAND, MEDIC. PRACT. ac
PHYSICO PROVINCIALI SCHWARZBURGI-
CO MERITISSIMO HONORATISSIMOQUE
quem DEUS quam diutiſſime ſervet, de tali fi-
lio gratulor, TIBIQUE porro exoptatos ſtudio-
rum rerumque medicarum ſucceſſus adprecor,
quo metam feliciter attingere valeas, & inde olim
patria ingens emolumentum accipiat. Vale,

Dab. Halæ Magd. ipſis Kal. Sept.

CID MDCCXXII.

Cum paulum distet virtus celata sepultæ,
Desidiæ, merito gestis ostendere partem
Artis notitiam, rabidos quæ tollere morbos,
Edocet egregie. Rosum TE quippe recordor,
Dentibus invidiæ, semper quæ ferre recusat,
Esse parem socii fortunam; TV tamen alto,
Vultu contemnis quotquot machinatur iniqua,
Turba minas, rectaque via TVA nomina doctis,
Inseruisse soles. Sane laudabile factum!
Gratulor ergo TIBI de re feliciter acta:
Inceptisque TVIS rectis Deus annuat almas,
Talis ut evadas, qualem expectare parentum
Spes potuit, qualem medicorum præparat ordo,
Inclytus, ut cures cito jucundo & quoque tuto.

*Hac Nobilissimo atque Doctissimo DN.
VOLLANDO, sinceri affectus ergo
scribere voluit*

J. S. KNAUBEL
L. L. C.

~~~~~  
**D**er Wiß den die Natur mein Freund, in  
Dich gelegt,  
Des Vaters Bild der Dich so klug erzogen,  
Das was du mit der Mutter-Milch gefogen,  
Der Fleiß der deinen Geist noch immer höher trägt,  
Die Wissenschaft die Du erlanget,  
Die Klugheit welche man in Deinen Umgang spührt,  
Der reinen Ehrsucht Trieb die Dich zum Pindus führt,  
Und



Und was noch sonst in Dir vor Tugend pranget:  
Versprechen, da Du nun auf den Catheder steigest  
Und durch Gelehrt und Ruhm belobten Streit  
Diß insgesammt in einem Spiegel zeigest,  
Daß wenn noch die Erfahrung  
Sich mit den andern wird verbinden,  
So werde man in dieser Gaben-Circk.  
Den Aesculap von unsern Zeiten finden,

Hierdurch gratulirt zu dem ruhmwür-  
digen Vorhaben, und empfiehlt sich  
fernerer Gewogenheit, des Herrn  
Respondentis aufrichtigster Freund  
und Diener

Johann Friedr. Kornemann.

